

# الزرقاء

مسرحية من فصلين

(17 مشهد)

بقلم: د. نوال السعداوى

الاهداء

قطعة نابضة من نفسى أمنحها الى أستاذى الكبير الدكتور فهمى فهمى الذى استطاع ان يعلمنى الطب وعجز عن أن يعلمنى الإنسانية فاستطعت أن أمنحه كل شئ عندى إلا نفسى.

(د. نادرة)

الشخصيات:

1. د. نادرة : شابه فى الخامسة والثلاثين. قووة الملامح فيها جمال طبيعى وجاذبية.
2. شهدى : تمورجى فى الأربعين. قووى الملامح. فى وجهه إنسانية وطيبة.
3. د. شرف الدين : شاب فى الثلاثين. رقيق الملامح.
4. أ.د. فهميم فهمى : رجل فى الخامسة والأربعين. له ملامح قووة جذابه.
5. د. توفيق : شاب فى الثلاثين. عادى.
6. تفيدة : امراة فى الأربعين. ترتدى باروكة ولامحها صناعية أو مصنوعة.
7. السجنان : رجل فى الأربعين. ضخم الجثة. قووى الجسم.
8. الوالى : رجل فى الخمسين. له هيئة الحكام.

مارة فى الشارع. عمال. عاملات. أطفال

## فصل الاول

### 9 مشاهد

- 1- د. شرف الدين. التمورجى شهدى. عامل يحتضر. (فى حجرة الطبيب بالمصنع بها سرير).
- 2- د. توفيق. د. شرف الدين (فى حجرة الطبيب بالمعمل. بها ميكروسكوب).
- 3- د. فهيم فهيمى. الوالى (فى مكتب الوالى الفاخر).
- 4- د. فهيم. د. شرف الدين (فى حجرة الطبيب بالمعمل. بها ميكروسكوب).
- 5- د. توفيق. د. شرف الدين (فى نفس الحجرة السابقة).
- 6- د. شرف الدين. التمورجى شهدى. عامل يحتضر. (فى حجرة الطبيب بالمصنع بها سرير).
- 7- التمورجى شهدى يسير حأملا على كتفيه عاملا. المسرح خالى ومظلم. (موسيقى حزينة).
- 8- امرأة ترتدى السواد تجرى مهولة وتجتاز المسرح ومن خلفها أطفال يجرون خلفها.
- 9- اصوات تسمع فقط (حسب النص) المسرح خالى ومظلم.

### المسرح مظلم

الصالة تضاء. استراحة قبل الفصل الثانى.

تستمر الموسيقى الحزينة خلال الاستراحة والمسرح يظل مظلم.

## الفصل الثانى

### 8 مشاهد

- 1- طفل صغير يجلس وحيدا على خشبة المسرح. المسرح مظلم وخالى.  
المسرح يمتلئ بالمارة فى كل اتجاه. المسرح يضىء.
- 2- د. فهيم. زوجته تقيدة. (فى حجرة نومها الفاخرة).
- 3- التمورجى شهدى. د. شرف الدين يحتضر. د. توفيق (فى حجرة الطبيب بالمصنع بها سرير).
- 4- التمورجى شهدى. السجان (فى زنزانه).
- 5- شهدى. د. نادرة (فى نفس الزنزانه السابقه).
- 6- د. نادرة. د. فهيم (فى مكتب د. فهيم الفاخر).
- 7- د. فهيم. د. توفيق (فى المكتب السابق).
- 8- نادرة. شهدى. شرف الدين. فهيم. توفيق. تقيدة. السجان. الوالى يدخلون المسرح بهذا الترتيب ويخرجون منه بهذا الترتيب.  
نادرة فى المقدمة. والوالى فى المؤخرة.

### الملابس

- د. شرف الدين. ود. توفيق. ود. نادرة يظهرون دائما بالباطو الأبيض.  
د. فهيم فهمى يرتدى حلة أنيقة بغير بالطو أبيض. الملابس الأخرى حسب الشخصية.

### الديكور

بسيط للغاية. سرير. ميكروسكوب. كراسى. فيما عدا الأثاث الفاخر الآخر.

## الفصل الاول

### المشهد الاول:

د. شرف الدين طبيب المصنع جالس الى مكتبه. يدخل التمورجى شهدى حاملاً أحد العمال بساعده اثنان من العمال. يضعون المريض على السرير. د. شرف الدين يسرع الى إسعافه. شهدى يساعده. المريض فى حالة سيئة يتنفس بصعوبة شفتاه زرقاوان.

د. شرف الدين يجس النبض.

د. شرف الدين : هات لى حقنة كورامين بسرعة.

شهدى : حاضر يا دكتور.

يجرى شهدى. يحضر الحقنة. وشرف الدين يعطيها للمريض فى ذراعه.

العمالن لا يزالان يقفان. ينظران الى زميلهما المريض فى حزن.

شهدى : اتفضلوا انتم يا رجاله شوفوا شغلكم عشان احنا نشوف شغلنا.

أحد العمال : فيه أمل يا عم شهدى.

شهدى : طول ما هو بيتنفس بيقى فيه أمل.. ما فيش أمل ازاي.. فيه

أمل.. فيه.....

يخرج العمالن

د. شرف الدين يجس النبض.

د. شرف الدين : هات كمان حقنة يا شهدى.

شهدى يجر ويحضر الحقنة.

المريض يموت قبل ان يأخذ الحقنة الثانية.

د. شرف الدين يقفق أمامه حزينا ممسكا بالحقنة فى يده.

شهدى يغطى الميت بالملاءة.

الاثنان يقفان فى صمت وحزن.

شهدى : البقية فى حياتك يا دكتور. الموت مكتوب علينا ما حدش

بيموت ناقص عمر.

د. شرف الدين : أيوه.

- شهدى : بس انا بفكر فى ولاده ومراته. كان هو اللي بيجرى عليهم ويوكلهم. مالهومش حد غيره. حيعملوا ايه بعد ما راح.
- د. شرف الدين : لازم نجمعلم حاجة يا شهدى لغاية ما يصرفوا المعاش.....
- شهدى : معاشه ما يصرف على عيل وأحد من خمسة ربنا معايم. انا حلمهم من العمال قرشين لحد ما ربنا يفرجها.....
- يسكت لحظة.
- انا لسه لأمم منهم الأسبوع اللي فات عشان ولاد المرحوم متولى وقيل كدة لميت منهم عشان...
- يسكت لحظة.
- أهو كله بثوابه. ما فيش حاجة بتضيع. القرش اللي تدفعه النهاردة بيتحوش لولدنا بكرة. حد عارف بكرة حيحصل ايه.
- يعود الى حيث يجلس د. شرف الدين ساهما حزينا.
- عاوز اقولك حاجة يا دكتور .
- شهدى : ايه يا شهدى.
- د. شرف الدين (بصوت حزين)
- شهدى أنا ملاحظ.
- د. شرف الدين ملاحظ ايه يا شهدى.
- شهدى ده رابع وأحد يموت الشهر ده يا دكتور .
- د. شرف الدين ايوه الرابع يا شهدى.
- (بصوت قلق).
- شهدى قبله كان محمد وقبله كان على ..... ومتولى.
- د. شرف الدين أيوه يا شهدى.
- شهدى أنا ما بقولش حاجة يا دكتور. الأعمار بيد الله لكن انا لاحظت
- إن كلهم.
- د. شرف الدين كلهم ايه يا شهدى
- (ينهض)
- شهدى مش عارف يا دكتور. هو حضرتك ما لاحظتتش إنهم الأربعة
- تقريباً.....

د. شرف الدين

تقريبا إيه يا شهدى.

(قلق)

شهدى

بقول يعنى تقريبا ماتوا موته وأحدة.

شهدى يبدو عليه التوتر والقلق.

د. شرف الدين

انت كمان لاحظت يا شهدى. أنا كنت با كذب نفسى واقول

إنها جايز تكون صدفة لكن انت كمان لا حظت.

أيوه لا حظت يا دكتور.

شهدى

قولى لا حظت ايه.

د. شرف الدين

شفايفهم يا دكتور ازرت.

شهدى

هيه ... وإيه كمان؟

د. شرف الدين

الدكتور يكشف الملاءة عن وجه العامل الميت الراقد على السرير.

ينظر فى وجهه لحظة ثم يغطيه.

شهدى

لما محمد شفايفه ازرت قلت لازم من رطوبة المصنع والدنيا

شنا وهو طول عمرة خفيف وما يستحملش حاجة. ولما "على"

شفايفه ازرت قلت يمكن برضه الشتا ورطوبة البلاط اللي

بيقف عليه سبع ساعات. ولما متولى راخر قلت إيه الحكاية.

والنهاردة. الرابع فى شهر وأحد. الفار لعب فى عبي.

د. شرف الدين يمشى فى قلق شديد وتوتر. بفكر.

أنا برضه شكيت.

د. شرف الدين

شكيت فى إيه يا دكتور؟

شهدى

شرف الدين صامت لا يرد.

طمنى يا دكتور عشان أظمن العمال أحسن.....

شهدى

أحسن إيه. حد منهم لاحظ كمان؟

د. شرف الدين

حضرتك عارف يادكتور العمال مشغولين على الآخر وكل

شهدى

وأحد منهم ملهى فى حاله وعياله.. كل وأحد فيهم مش لا حق

ياخذ نفسه عشان يجيب لقمة العيش لولاده. لو طب اللى واقف

جنبه ما حدش حيلاحظ حاجه. أنا يا دكتور اللى لاحظت

الزرقان الغريب ده فى الشفايف.

ولاحظت إيه كمان يا شهدى؟

د. شرف الدين

ما فيش غير زرقان الشفايف. هو إيه ده يا دكتور؟ مرض ده

شهدى

والإيه؟

ما لاحظت الكحة تانى يوم؟

د. شرف الدين

لا يا دكتور. أصلهم كلهم بيكحوا. فيه حد ما بيكحش كحة طبيعية كدة أو كحة سيجاير.

شهدى

لابس دى كحة من نوع تانى. زى ما يكون حاجة مشروخة فى الصدر. وثالث يوم نفسهم ينكرش.

د. شرف الدين

دى حاجة غريبة يا دكتور. تفكر هم الأربعة ماتوا بعيا وأحد.

شهدى

ده اللى مخوفنى يا شهدى. وعشان كده لازم أخذ عينة من الرئة المرة دى وابعثها المعمل عشان تتفحص هات لى مشرط يا شهدى.

د. شرف الدين

حاضر يا دكتور.

شهدى

بناوله المشرط. د. شرف الدين يكشف صدر الميت ويأخذ العينة.

ظلام

\* \* \* \* \*

AKHAWIA.NET



## المشهد الثانى:

- د. توفيق فى مكتبه. جالس وأمامه الميكروسكوب. ينظر فيه.
- د. شرف الدين واقف الى جواره.
- د. توفيق : تعالى يا شرف الدين بص كده.
- د. شرف الدين: ينظر فى الميكروسكوب.
- د. توفيق : شايف إيه؟
- د. توفيق : شرف الدين يرفع وجهه الى توفيق فى صمت وقلق.
- د. توفيق : إيه؟ شفت إيه؟ ساكت ليه؟
- شرف الدين : أنا مش ساكت.
- توفيق : ما انت ساكت اهه.
- شرف الدين : بس عاوز أتأكد تانى.
- د. شرف الدين ينظر مرة أخرى فى الميكروسكوب.
- د. توفيق : باينه زى الشمس.
- شرف الدين : الزر..
- توفيق : الزرقا.
- شرف الدين : الزرقا.
- توفيق : أيوه الزرقا.
- شرف الدين : المسألة تبقى خطيرة يا توفيق.
- توفيق : طبعا خطيرة. أنا مش عارف الميكروب ده جه للمصنع منين؟
- شرف الدين : يمكن من دفعه الأرانب الأخيرة اللي جت من استراليا.
- توفيق : لازم هى دفعة الأرانب الأخيرة. وحتعمل إيه يا شرف الدين؟
- شرف الدين : دى مشكله كبيرة. الزرقا مرض معدى. الأرانب تنتقله للإنسان فى ثلاث ايام يكون انتهى... ومالوش علاج لغاية النهاردة.
- شرف الدين : مافيش علاج ... لكن ممكن نحمل العمال من العدوى.
- توفيق : ازاي؟
- شرف الدين : طبعا فى المصنع الحالى مش ممكن. المصنع قديم. أصله ماتيناش عشان يبقى مصنع.
- المصنع ده لازم ينهد. رطوبة وضملة وغير صحى بالمره. لازم ينهد ويتبنى مصنع جديد
- يفصل بين الأرانب والعمال. انت عارف الزرقا تنتقل عن طريق الهواء. ولو فصلنا الأرانب

عن العمال حنمنع العدوى منهم. المصانع فى استراليا كلها بالشكل ده. إيه رأيك يا توفيق.  
والله أنا ما فهمش فى الحاجات دى. إحنا لازم نروح نقول للدكتور فهيم. هو المسئول وعليه هو  
اللى يفكر ويشوف الحل.  
يالابينا بسرعة.

توفيق

شرف الدين

ظلام

Akhawia.net

### المشهد الثالث:

- الوالى جالس الى مكتبه الفاخر . الأستاذ الدكتور فهمى فهمى جالس أمامه فى تأدب واحترام.
- الوالى (قلق) : والأرانب يا دكتور فهمى مافيش أى خطر على الأرانب؟
- د. فهمى : لا يافندم زى ما أكدت لسيادتك الأرانب تحمل الميكروب بس ولا تعيش أبدا.
- الوالى : برضه مش قادر افهم إزاي الميكروب يعيش جوه رئه الأرانب ومايعملش حاجة ولما ينتقل للبنى آدم يجبله الزرقا، أو البلا الازرق ده.
- د. فهمى : دى حاجات معروفة فى الطب يا فندم. وفيه ميكروبات كتير بالشكل ده... تعيش جوه الحيوان ولما تنتقل للإنسان تسبيله المرض.
- الوالى : الأرانب هم ثروة البلد. راسمانا الوحيد. مش عاوز يكون عندى أى شك انها ممكن تكون معرضة لأى خطر.
- د. فهمى : من ناحية الأرانب يا فندم مافيش أى خطر. الخطر على العمال.
- الوالى : احنا عندا كام أرنب السنه دى.
- د. فهمى : 13 مليون يا فندم.
- الوالى : افنكر انهم بيزيدوا بمعدل كويس.
- د. فهمى : أيوه يا فندم.
- الوالى : يبدو ان حبوب زيادة النسل الى انتم بتدوها لها من السنة اللى فاتت جابت نتيجة.
- د. فهمى : أيوه يا فندم. الحبوب زودت نسل الأرانب الى حوالى 50%.
- الوالى : كويس خالص. والنسل الجديد قوى وصحته كويسة.
- د. فهمى : أيوه يا فندم.
- الوالى : والدفعة الجديدة من الأرانب الاسترالى كلها كويسة.
- د. فهمى : كلها كويسة.
- الوالى : وهى اللى جابت الزرقا.
- د. فهمى : أيوه يافندم.
- الوالى : انتم مش بتأخذوا منها عينات قبل ما تحطوها مع الأرانب الثانية.
- د. فهمى : أخذت عينات يا فندم. وكانت كلها سلبية. سعادتك عارف ان العينة وبالذات فى الزرقا جايز تكون سلبية لكن الميكروب يكون كامن جوه الرئه.
- الوالى : شئ غريب فعلا. ومفيش أى أرنب ظهرت عليه أى أعراض؟
- د. فهمى : لا يا فندم مش ممكن تظهر عليه أى أعراض لأن الأرانب مش بتعيبى بالزرقا.. من ناحية الأرانب سعادتك تكون مطمئن وعلى مسئوليتى أنا.. الخوف على العمال...
- الوالى : ازاي؟

- د. فهيم : الزرقا فى 3 ايام بتقضى على العامل.
- الوالى (قلق) : يعنى ممكن تخلص على العمال بتوعنا؟
- د. فهيم : لا يا فندم. الزرقا مش بتنتشر بسرعة. انتشارها بطئ.
- الوالى : بطئ ازاي؟
- د. فهيم : يعنى بتصيب عدد قليل من العمال... العامل القوى اللي صحته كويسة ممكن يقاومها لكن العامل اللي جسمه ضعيف بتقضى عليه... وكمان الميكروب ميتحملش الحرارة والشمس وعشان كده تقريبا بيموت فى الصيف.
- الوالى : الله فى خلقه شئون.
- د. فهيم : الشهر اللي فات مات أربعة من العمال.
- الوالى : اشمعنى يعنى أربعة؟
- د. فهيم : كان ممكن يبقى أقل من كده أو أكثر شويه لكن على العموم دى تقريبا نسبة انتشار الزرقا زى ما قلت لسعادتك انتشارها بطئ لكن بتستمر سنوات كثيرة.
- الوالى : سنوات طويلة؟
- د. فهيم : أبوه يا فندم.
- الوالى : وكل شهر تموت أربعة عمال.
- د. فهيم : تقريبا يا فندم.
- الوالى : أربعة فى 12 شهر يعنى حنفقد حوالى خمسين عامل فى السنة.
- د. فهيم : تقريبا يا فندم.
- الوالى : وقلت لى إن مافيش علاج لها لغاية النهاردة.
- د. فهيم : أبوه.
- الوالى : أذن مافيش فى إيدنا حاجة نعملها يا د. فهيم.
- د. فهيم : ما فيش..... لكن..... ممكن نمنع المرض.
- الوالى : مش فاهم؟
- د. فهيم : المصنع الموجود مصنع قديم زى ما سعادتك عارف. ما اتيناش فى الأصل عشان يبقى مصنع.
- الوالى : لكن بقى مصنع وشغال كويس والإنتاج بيزيد مش كده والا إيه؟
- د. فهيم : أبوه بيزيد يا فندم.
- الوالى : احنا زدنا أد إية السنة دى؟
- د. فهيم : حوالى 50% يا فندم.
- الوالى : يعنى زى نسبة زيادة الأرناب.
- د. فهيم : أبوه يا فندم.

- الوالى : كويس خالص.
- الوالى بصمت ويفكر لحظة.
- الوالى : تعرف يا دكتور فهيم أنا لسه مش متصور ازاي الميكروب يعيش جوه رئه الأرانب. وما يسببش له أى مرض.
- د. فهيم : رينا خلقه كده يا فندم.
- الوالى : رينا كبير. عالم بحالنا. لو جرى أى حاجة للأرانب البلد تضيع يا دكتور فهيم. فاهم تضيع يعنى إيه؟
- د. فهيم : فاهم يا فندم. سعادتك تكون مطمئن خالص على الأرانب. أنا بس احب افكر سيادتك إن احنا فقدنا أربعة من العمال و.....
- الوالى : اشمعنى الأربعة دول الى جالهم الزرقا؟
- د. فهيم : جايز جسمهم أضعف..... جايز مناعتهم أقل... سنهم أكبر.....
- الوالى : يعنى الميكروب بيختار الأضعف.
- د. فهيم : أيوه يا فندم.
- الوالى : ميكروب عنده عقل..... والميكروب ده يستمر كده؟
- د. فهيم : هو بيزيد فى الشتا عشان البرد والعطس. الميكروب زى ما قلت لسعادتك بيتنقل عن طريق الهواء.
- الوالى ينظر الى الهواء فى قلق وفزع.
- الوالى : الهواء؟ يعنى ممكن يوصل لغاية عندنا؟
- د. فهيم : لا يافندم مش ممكن. الميكروب بيموت بسرعة فى الجو وخصوصا إذا كان فيه شمس وهواء.
- الميكروب لا يمكن يقدر يخرج بره المصنع.
- الوالى : الكلام ده أكيد ميه الميه.
- د. فهيم : أيوه يا فندم. دى حاجة معروفة فى الطب..
- الوالى : يعنى ما فيش خطر علينا. أى احتمال لأى خطر؟
- د. فهيم :: ما فيش أى خطر يا فندم. الخطر بس على اللى جوه المصنع. أو اللى يدخل المصنع.
- الوالى : كان لازم تنبهنى للمسألة دى يا د. فهيم. أنا كنت نازل مرور لمصنع بكرة.
- د. فهيم : ما كنت حقول لسعادتك.
- الوالى : وانت كمان يا د. فهيم بلاش تروح المصنع. إدى تعليماتك من مكتبك. إنت رجل كفاء ومخلص للبلاد ولازم نحافظ عليك...
- د. فهيم : أشكرك يا فندم.
- الوالى : انت قلت حنخسر كم عامل تقريبا فى السنة؟

- د. فهيم : حوالى 50 عامل.
- الوالى : عدد مش كبير بالنسبة لعدد العمال عندنا. ويمكن تعويضهم من الدفعات الجديدة الى بتأخذوها كل سنة. بيتقدم لكم طلبات كثيرة مش كده.
- د. فهيم : أبوه يا فندم.
- الوالى : الأيدى العاملة عندنا كثيرة قوى... وكل سنة بتزيد عن السنة الى قبلها... وإمكانياتنا محدودة ومصنعنا ما بيقدرش يشغل كل دول. بنواجه مشكلة بطالة... ومشكلة عيال بيتولدوا وبيزيدوا يوم وراء يوم لا لهم شغل ولا لهم أكل. أجيب منين يا د. فهيم. أنا قلت لك تشغلى حل فى المشكلة دى..
- د. فهيم : أنا كلفت الدكتور المختص الى اكتشف الجيوب الللى زودت نسل الأرناب. انه يعمل بحوث ويحاول يشوف دوا يقلل نسل البنى آدمين.
- الوالى : وعمل ايه؟
- د. فهيم : هو اكتشف دوا تشربه الست من دول معلقة ثلاث مرات فى اليوم بعد أسبوع وأحد نسلها يقل 50%.
- الوالى : يعنى الست من دول الى كانت بتولد عشر عيال تولد خمسة؟
- د. فهيم : أبوه. النسبة طلعت كده من التجارب بتاعتنا.
- الوالى : برضه مش كفاية يا د. فهيم. انا عاوز الست الى كانت بتولد خمسة تولد وأحد بس. كفاية عيل وأحد. احنا عندنا نسبة بطاله كبيرة. انت بيتقدم لك كام طلب كل سنة عشن يشتغلوا فى المصنع.
- د. فهيم : حوالى الفين طلب يا فندم.
- الوالى : وبتقدر تشغل كام؟
- د. فهيم : حوالى 200 أو 250 بالكثير 300 حسب حاجة المصنع.
- الوالى : يعنى بتشغل العشر.
- د. فهيم : تقريبا.
- الوالى : يبقى عيل وأحد برضه كثير يا د. فهيم. احنا عاوزين نخفض عدد الناس للعشر. يعنى الست الللى كانت بتولد عشرة تولد وأحد بس والللى بتولد خمسة تولد نص.
- د. فهيم : نص؟
- الوالى : النسبة لا زم تبقى كده عشان نقضى على البطالة.
- د. فهيم : أنا حكلف الدكتور المختص ببحث عن دوا تانى أكثر فاعلية.
- الوالى : متشكر يا د. فهيم لا زم وراك شغل.
- د. فهيم : أبوه يا فندم. بس كنت عايز آخد رأى سعادتك فى موضوع الزرقا.

(بنهض)

- الوالى رأى فى ايه؟
- د. فهميم : قصدى حكاية أربعة أو خمسة من العمال يعيوا ويموتوا كل شهر دى جايز تخلى العمال يلاحظو إن فيه حاجة مش طبيعية...  
ثم أن الدكاترة حللوا وعرفوا الميكروب.  
وايه فائدة ما عرفوا. هل عندهم علاج؟
- الوالى مافيش علاج للمرض نفسه. لكن الدكاتره بيقولوا ان العلاج الوحيد هو ان احنا نمنع المرض.  
إزاي؟
- د. فهميم كان عندهم اقتراح... بيقولوا ان احنا نهد المصنع القديم ونبنى مصنع جديد بتصمم بطريقة حديثة بحيث إن الأرناب تعيش فى غرفة خاصة معزولة عن العمال. استراليا عملت كده.  
واحنا زى استراليا يا د. فهميم؟ أنا مش عارف الدكاتره بتوعك عايشين معانا وإلا فى المريخ. تكبيرهم ده يدل على انهم بجهلوا الواقع بتاعنا... يجهلوا امكانياتنا. التفكير العلمى هو التفكير اللى يتمشى مع الواقع. اما الأحلام الافكار الخيالية... دى كلها دليل الجهل والرعونة. انا حاهد المصنع وابنى مصنع جديد بأد ايه وعشان ايه؟ حادف كام واخذ كام؟ الهد والبنا يكلفنا أد ايه؟  
حوالى 10 مليون جنيه؟
- د. فهميم أدفع عشرة مليون جنيهه منين وعشان ايه؟ عشان أوفر خمسين أو ستين عامل فى السنة بييجلى بدلهم كل سنة ألفين؟
- الوالى هو فعلا اقتراح خيالى شوية يا فندم... أصلهم شباب.
- د. فهميم مش خيالى بس ده اقتراح يدل على عدم الوعى أنا مش عارف الدكاترة ليه دايمافكارهم قاصرة بالشكل ده. ده لأنهم معزولين عن المجتمع. مش فاهمين المشاكل اللى بتواجهنا.
- د. فهميم أصلهم محصورين فى أبحاثهم الطبية. هم يفهموا فى الميكروبات والأمراض والهرمونات ده تخصصهم يا فندم.
- الوالى وهم عرفوا إن فيه زرقا فى المصنع.
- د. فهميم أيوه يا فندم. هم الى حللوا وعرفوا.
- الوالى تدى أوامر لهم إن ما حدش يقول حاجه للعمال مش عاوز العمال يعرفوا. لو عرفوا حيهيروا من المصنع والبلد كلها تجوع. احنا كلنا عايشين على المصنع. مش كده والا ايه.
- د. فهميم أيوه يا فندم.
- الوالى صوف الأرناب بتعنا واخذ سمعة طيبة فى كل حته. مش عاوز العمال تعرف حاجة. لو عرفوا حيهيروا والمصنع يقفل. العمال مش حيفكروا فى مصلحة البلد. هم حيفكروا بس ازاي يهيروا من المصنع. ما فيش عندهم روح التضحية من أجل البلد. كل وأحد حيفكر فى نفسه وبس. مش كده والا ايه يا د. فهميم؟

الوالى

وعشان كده عاوزكم تعملوا لهم توعية وطنية. والعامل منهم لازم يبقى فوق مصلحته الخاصة. يبقى عنده احساس بالصالح العام ومستعد يموت وهو واقف قصاد آلتة فى المصنع. عشان مصلحة البلد. بالضبط زى الجندى اللى بيموت على مدفعه وهو بيحارب من اجل الوطن. فاهمنى يا د. فهيم؟

د. فهيم

أيوه يا فندم.

الوالى

والدكاترة بتوعك يا د. فهيم لازم يعرفوا ان ما فيش حاجة اسمها زرقا فى مصنعنا..... مصنعنا نضيف زى الفل وشغال عال العال. إذا كان فيه ثلاثة او أربعة من العمال بيعيو او بيموتوا كل شهر فده شئ طبيعى ما حدش ما بيعياش وما فيش حد ما بيمتس. فى كل بلاد العالم فيه ناس بيعيو وناس بيموت. ربنا اللى بيموت مش الزرقا. لا يمكن حته ميكروب مفصوص يموت بنى آدم وأحد من غير إرادة ربنا... مش عارف ليه يا دكتور فهيم أنا بلاحض ان الناس اللى بيدرسوا الطب بيبعدوا شويه عن ربنا... غرور يا د. فهيم. غرور. بيتصوروا انهم ما دام عرفوا حاجة عن الأمراض او الميكروبات او قدروا ينقدوا بعض الأرواح خلاص عرفوا سر الكون. مع أنى متأكد ومؤمن إيمان لا يقبل الشك ان ما فيش روح وأحدة يقدر الدكتور ينقذها إلا إذا ربنا أراد. وإذا ربنا ما ارادش لازم العيان يموت غصب عن أى دكتور مش كده وإلا ايه يا د. فهيم. تمام يا فندم.

د. فهيم

الوالى

عشان كده انا عاوز تعمل شوية توعية دينية للدكاترة بتوعك. أنا بصراحة حاسس إنهم بيبعدوا عن الدين شوية شوية.....

د. فهيم

لا يا فندم. كلهم مؤمنين وكويسين والحمد لله. لكن برضه زى ما سعادتك أمرت، نعمل لهم توعية.

الوالى ينهض. يقتررب مع د. فهيم ناحية الباب.

الوالى

وزى ما قلت لك. تدى أوامرك من مكتبك وما تنزل المصنع. أنا عارف انه أحياناً بتجيلك نوبات عاطفية غريبة. أنا شخصياً بسميها تهور. تقوم تنهز وتنزل مروود المصنع. أنا بمنعك بالأمر من نزول المصنع. حياتك مش ملكك. دى ملك البلد. ولازم نحافظ عليها. لازم نحافظ على العقول الكويسة اللى فى بلادنا. وكمان لازم نستثمرها. أنا مؤمن باستثمار العقول البشرية تمام زى ما انا مؤمن باستثمار الثروة القومية بتاعتنا. فكرتتى أنا كنت عاوز أسألك سؤال صغير. يا ترى هل الحبوب اللى بتزود نسل الأرانب ممكن تزود نسل الإنسان.

د. فهيم

أيوه يا فندم. بس بدل ما نستخدم هرمون أرنب نستخدم هرمون إنسان.

الوالى

يا سلام..... الطب ده علم عظيم خالص. الحقيقة انا عاوز أسألك كمان سؤال... انت دكتور وراجل علمى ولا حياء فى العلم الجماعة بتعائى قصدى يعنى السيدة زوجتى تموت موت فى الأطفال... ومش مكفيها الولدين اللى عندنا. ودايماً تزن على دماغى عاوزة عيال تانى. عاوزة



عيال تانى. وتعدد تقولى وأحد والى عظيم زيك لازم يجيب عشر عيال على الأقل يورثوه ويحملوا اسمه ومجده. لكن مش عارف يا د. فهيم... انت دكتور وراجل علمى ولا حياء فى العلم... مش عارف... انا يظهر عجزت... (بيتسم فى حياء) أو يمكن من الارهاق وكتر الشغل... الوأحد ما بقاش زى الأول... لكن الغريبة يا د. فهيم.. وانت راجل علمى وما فيش حياء فى العلم.. الغريبة إن الرغبة زى ما هى.. بل بالعكس يمكن زادت عن الأول.. الرغبة عندى كويسة خالص إنما... (بيتسم فى حياء) انت فاهمنى يا د. فهيم؟

أيوه فاهم سعادتك.

د. فهيم

تفتكر يا د. فهيم الدوا ده اللى بيزود النسل يفيد فى الحالة بتاعتى؟

الوالى

أيوه يا فندم. لازم يفيد. وان ما كنش يفيد اكلف الدكتور المختص انه يبحث عن حاجه أكثر فاعلية.

د. فهيم

(يضحك).

الوالى

متشكر قوى يا د. فهيم. انا باعتبار الناس اللى عندهم عقل زى عقلك ثروة. ثروة قومية لازم الحفاظ عليها.

الوالى

الوالى يضحك بانسراح.

ظلام

\* \* \* \* \*

## المشهد الرابع:

- د. فهيم جالس وأمامه الميكروسكوب ينظر فيه. فى حجرة الطبيب بالمعمل. د. شرف الدين والدكتور توفيق واقفان الى جواره.
- د. فهيم يرفع رأسه ببطء من فوق الميكروسكوب وينظر إليهما وهو يبتسم ابتسامه الأساتذة الكبار.
- د. فهيم مین اللی قال إن ده میکروب الزرقا.
- د. شرف الدين أنا یا فندم.
- د. توفيق وأنا کمان شفته.
- د. فهيم إنتم نسيتم الطب والا إيه؟ میکروب الزرقا طويل زى العصايا مش ممكن يكون بيضاوى بالشكل ده. وکمان ما لوش ذيل. ومش ممكن يكون (أسد فاست) بالشكل ده. ما قدرش أقول إن ده زرقا... ما قدرش أحلف إن ده زرقا... انتم عارفين ان فى الأمراض الخطرة زى الزرقا الدكتور منا لازم يتزوى وما يصدرش أى حکم إلا وهو متأكد كل التأكد.
- بلهجة الاساتذة الكبار
- د. شرف الدين والعمال الأربعة يا د. فهيم الأربعة جات لهم نفس أعراض الزرقا. شفایفهم ازرققت والكحة....
- د. فهيم هى كل شفایف تزرقت تبقى من الزرقا يا شرف الدين. فيه ناس شفایفهم تزرقت من البرد. وانت عارف المصنع بلاط ورطوبة والعمال بيهملوا فى صحتهم. وطبعا حالتهم المالية تعبانة. ما يقدرش يشتروا بلوفرات صوف زى ده (يشير الى بلوفر توفيق). وما يقدرش ياكلوا زبده فى الفطور. زائد انهم بيبقوا مرهقين من الشغل والإرهاق طبعا بيقلل مقاومتهم للبرد. وجسمهم ضعيف وخصوصا إذا كانوا كبار شويه فى السن. الزرقا مش لعبة. ده مرض قاتل وخطير وعشان أقول ان فى زرقا لازم أكون متأكد. أنا كأستاذ طب لا يمكن أقول إن ده میکروب الزرقا مية فى المية.
- د. توفيق ما فيش حاجة مية فى المية يا دكتور فهيم. ما فيش حقيقة فى الدنيا لا تقبل الشك ومع ذلك فإن كل الأعراض والتحليل بتقول انها زرقا.
- د. فهيم مین قال ما فيش حاجة مية فى المية مین قال ان ما فيش حقيقة تقبل الشك. انت مثلا... انت توفيق... الدكتور توفيق مية فى المية. حد يقدر يقول غير كده. اهى دى حقيقة مية فى المية. إنما إنك تبص لى فى الميكروسكوب وتشوف حاجة طوية زى العصايا تقوم تقول عليها زرقا. فيه ستين حاجة طوية زى العصايا بنشوفها تحت الميكروسكوب. فيه ستين سبب فى الطب بيخلى الشفایف تزرقت فى الشتا. فيه ستين سبب للموت والأمراض عندنا كتيرة والميكروبات أشكال واللوان. اشمعنى بس الزرقا اللی جت فى دماغكم. احنا ناقصين أمراض. انتم مش مقدرين خطورة المرض ده. مش عارفين زرقا يعنى إيه. زرقا يعنى المصنع يتقفل. مش فاهم

ازای تقولوا ببساطة كده وبدون أى إحساس بالمسئولية ان دى زرقا... (ينظر الى شرف الدين)  
وانت كمان يا شرف الدين. تلميذى اللى علمته الطب واللى علمته ازای يفكر كويس قبل ما  
يصدر أى حكم.

د. شرف الدين كل إنسان بيغلط يا د. فهيم..... أنا آسف.  
د. توفيق وحنعمل ايه دلوقت يا د. فهيم.  
د. فهيم حنعمل ايه فى ايه. كل حاجة تمشى زى الأول. وعاوزكم تظمنوا العمال خالص. ولو حد سأل  
عن أى حاجة تفهموهم أن ده كله من برد الشتا والشتا عمره قصير وقرب يخلص وكل حاجة  
تبقى عال. وعاوزكم تقعدوا مع العمال وتفقوهم... لازم تبقى عندهم ثقافة عامة ويهتموا  
بالمسائل العامة أكثر من اهتمامهم بمسائلهم الشخصية. أنا عمرى ما قعدت مع العمال فى  
اجتماع إلا وكل طلباتهم مطالب خاصة. (ينظر فى ساعته) ياه..... أنا ضيقت وقتكم.  
(ينهض) اسيبكم بقى عشان تشوفوا شغلكم وربنا يوفقكم.  
يخرج

ظلام

### المشهد الخامس: (فى نفس المكان)

د. شرف الدين ود. توفيق وحدهما ينظران الى بعضهما البعض فى صمت.  
د. شرف الدين : أيه رأيك يا توفيق؟  
د. توفيق : رأيى هو رأى د. فهيم.  
د. شرف الدين : يعنى الميكروب اللى شفته مش الزرقا.  
د. توفيق : د. فهيم بيقول انه مش زرقا يبقى مش زرقا. ده رأيى أيه رأيك انت؟  
د. شرف الدين : د. فهيم أستاذى وما قدرش غير إنى أصدقته. لكن الحقيقة الواحد اتلخبط. أنا شفته  
بعينى... زى الزرقا تمام... لكن د. فهيم مش ممكن يغلط فى حاجه زى دى.  
د. توفيق : طبعا هو مش ممكن يغلط فى حاجه زى دى. لكن ممكن انه ما يقولش الحقيقة.  
د. شرف الدين : هو ما قلش الحقيقة؟  
د. توفيق : طبعا ما قلش الحقيقة. انا متأكد انها زرقا. متأكد زى ما انا متأكد انى واقف أمامك  
كده.  
د. شرف الدين : مش معقول وليه ما قلتنش للدكتور فهيم كده؟ ليه سكت؟  
د. توفيق : وانت ليه سكت؟  
د. شرف الدين : أنا لما سمعت كلامه غلظت نفسى. قلت لازم هو اللى صح وانا اللى غلط. هو

- أستاذى ويعرف اكثر منى فى الطب. لكن انت ازاي تبقى متأكد انك صح وتسكت؟  
د. توفيق  
حقول ايه يا شرف الدين. أنا فهيمت كل حاجة.  
د. شرف الدين  
فهيمت ايه؟  
د. توفيق  
د. فهيم جاى من عند الوالى ودى أوامر عليا لازم نقبلها.  
د. شرف الدين  
مش ممكن يا توفيق. د. فهيم ما يعملش كده. مش ممكن يكذب علينا بالشكل ده. مش  
د. شرف الدين  
ممكن يكون عارف انها زرقا ويقول انها مش زرقا.....  
د. توفيق  
ده شايفها بعينه يا شرف الدين. وده أستاذ كبير ومش ممكن حاجة بسيطة زى دى  
تقوت عليه. دى باينة زى الشمس.  
د. شرف الدين  
د. فهيم مش ممكن يكذب فى حاجة خطيرة زى دى. لو كان وأحد غير د. فهيم كنت  
أنا اصدق. لكن انا أعرف الدكتور فهيم من 15 سنة. كان أستاذى واشتغلت معه  
كثير. كان مثلى الأعلى. كان يشجعنى على إني أكون صادق دايما. مش ممكن د.  
فهيم يكذب على.  
د. توفيق  
ما تحكمشى عليه كان زمان ايه. احكم عليه دلوقت بعد ما قعد على الكرسى وبقه  
مسئول كبير. الكرسى بيغير الناس يا شرف الدين.  
د. شرف الدين  
ما فيش أى كرسى يقدر يغير د. فهيم كان دايما يقوللى الناس نوعين يا شرف الدين  
ناس الكرسى يغيرها وناس هى اللى تغير الكرسى.  
د. توفيق  
كلهم كده. طول ما هم على البر شاطرين فى الكلام ويا سلام الواحد منهم يتهيا له ان  
آخر قوة. اللى على البر شاطر يا شرف الدين ولما الواحد منهم يقعد على الكرسى  
ويحس بيه ويملاه ويريح جواه... خلاص بقه وأحد تاند.  
د. شرف الدين  
مش كلهم يا توفيق. فيه ناس بتقاوم.  
د. توفيق  
أيوه يمكن نقاوم القوة اللى تقدر تقاومها لكن القوى اللى أكبر منها ما تقدرشى تقاومها.  
وده بالطبع منطق راجل علمى زى د. فهيم. الدكتور فهيم راجل عنده عقل. مش  
مجنون. عاوزه يقاوم الوالى. وانت عارف الوالى يعنى ايه؟ الوالى يعنى الجيش  
والبوليس والمباحث والفلوس والعلم والفن والحرية والهوا والميه والأكل. أكلنا وأكل ولادنا  
وكل حاجة فى حياتنا. ما فيش غير المجنون هو اللى يقدر يصارع كل القوة دى. ده  
كأنه بيصارع الطبيعة تماما.  
د. شرف الدين يطرق مفكرا لحظة ويهز رأسه بالنفى.  
د. توفيق  
برضه لسه ما اقتنعتش يا شرف الدين؟  
د. شرف الدين  
مش قادر اقتنع يا توفيق. مش قادر أتصور ان د. فهيم عارف إنها الزرقا ويقول مش  
زرقا.. مش ممكن يسبب العمال يعبوا ويموتوا.  
د. توفيق  
لاحظ إن الزرقا بتمشى ببطء وكون أربعة أو خمسة يعبوا ويموتوا فى الشهر مسأله  
بسيطة. الناس عندنا على قفا مين يشيل والعدد فى اللمون. البنى آدم عندنا رخيص يا

شرف الدين. رخيص لأنه موجود ومتوفر وزيادة عن اللازم. زى قطع الغيار الموجودة فى السوق فى أى وقت وبأى ثمن. لما تخسر قطعة غيار من دول ترميها وتشتري غيرها. لأن ثمن الجديدة ارخص من تصليح القديمة. المسألة فى كل حنة فى العالم بتتخسب بالشكل ده. هو ده الحساب المنطقى فى كل الأسواق العالمية. العرض والطلب. المكسب والخسارة.

د. شرف الدين

الدكتور فهيم تفكيره مختلف يا توفيق. د. فهيم عمره ما حسب المسائل بالشكل ده. طول عمره يحترم الإنسان وعمره ما استرخصه حتى وهو عيان أو غلبان. لسه فاكرازاى كان بيغطى العيان لما يكشف عليه قدمنا واحنا طلبه. لسه فاكرازاى كان بيخلى ثلاثة بس مننا يكشفوا على العيان عشان ما يتعيبش. غيره من الأساتذة كانوا بيعملوا إيه؟ مش فاكرا الأستاذ اللى كان يسيب خمسين طالب يضغطوا بالسماعات على قلب الطفل الصغير لغاية ما تحفر السماعات على صدره حفرة مدورة غويطة وحمرا؟ مش فاكرا الأستاذ اللى ضرب العيان الشاب قلم على وشه لأنه رفض يقلع هدمه كلها قدام طلبه والطالبات؟ مش فاكرا الأستاذ اللى كان يعرى العيانة قصادنا كلنا فى عز البرد وخمسين وأحد مننا يفحص بصوابه فى جسمها. الدكتور فهيم ما كانش بيعمل كده. عمره ما علم كده. ولولا الدكتور فهيم انا كنت كرهت الكلية وسبت الطب لكن هو اللى خلانى أكمل.

د. توفيق

يا سلام على السذاجة والبراءة. لولا انك كنت زميلى فى الكلية ولولا إنى عارف مية المية انك اتخرجت معايا من الطب لا يمكن بتفكيرك ده اقول عليك دكتور. انت دخلت الطب ليه يا ابنى. اللى زيك دول ما ينفعوش فى الطب. أحسن لك تروح تكتب روايات أو شعر أو حاجات كده من بتاعة الخيال والعواطف الطب علم. والعلم وأحد + وأحد = اثنين. اثنين بالضبط. لا يمكن يكونوا ثلاثة ولا يمكن يكونوا وأحد ونص. اثنين بالضبط. ده علم الحساب. الدكتور فهيم راجل علمى وشاطر فى الحساب ولولا إنه شاطر فى الحساب ما كانش نجح فى عالم بيحسب ليل نهار ما كانش نجح ووصل فى وسط ناس بيجروا ويتنافسوا والأشطر يكسب. وطبعاً ما فيش مانع من شوية عواطف كده زى البهارات تتحط من فوق وما تكلفش حاجة. زى انك تغطى عيان غلبان عشان ما بيردش. أو ما تحطش رجلك على سرير العيان. حاجات كده ظريفة وإنسانية ترضى ضمير الواحد وتخليه يحس بالسعادة. زى ما تدى قرش لشحات وانت ماشى فى السكة. صدقة حلوة كده تخلى أمثالك من السذج بيصوله بإعجاب وحب. إنما عند الجد. لما الكرسى اللى قاعد عليه يهتز. لما رزقه ورزق عياله يبقى مهدد بالقطع. المسألة تبقى عاوزه تفكير وعاوزه عقل وعلم وحساب. حساب دقيق جدا جدا. وأحد + وأحد = اثنين. اثنين بالضبط. لا يمكن يكونوا ثلاثة ولا يمكن يكونوا وأحد ونص. وفى الحالة دى ما فيش حاجة اسمها عواطف. ما فيش حاجة اسمها إنسانية.

ما فيش زرقا. العواطف هنا اسمها سذاجة.. رعونة. والإنسانية هنا اسمها طيش.. جنون. إنما العقل. يا سلام على عقل الدكتور فهيم فهمى. أحسن وأحد يعقل فى الحاله دى.

د. توفيق يضحك بسخرية.

د. شرف الدين

انت طول عمرك كده يا توفيق. ما تفرقشى بين الإنسان الكويس والوحش. كل الناس عندك وحشين. كل الناس عندك يضعفوا قصاد الفلوس والدرجات والكراسى. انا معاك فيه ناس كثيرة كده لكن الدكتور فهيم غير دول مش ممكن انخدع فيه 15 سنة. مش ممكن انت دخلت عيادته؟ لو دخلت عيادته تلاحظ انه مش معلق يافطة الأسعار زى ما الدكاتره بيعملوا ده بقرش وده بقرشين. عمره ما تاجر بالطب. عمره ما اخذ فلوس من عيان غلبان مش قادر يدفع. اظن يعنى كل الناس عارفه عنه الحكايه دى.

توفيق

ما هي برضه ضمن العواطف اللي تتفع اكثر ما تضر. على السمعة الحلوة دى عيادته مليانه كل ليلة زى الرز واللى يقدر يدفع اكثر من اللى ما يقدرشى يدفع. دول ناس بحورهم غويطة يا شرف الدين. ناس يعرفوا يحسبوا كويس. كل حاجة عندهم لها ثمن ولازم تجيب ثمنها حتى ولو كانت عاطفة كده.. عابرة.

شرف الدين

كلامك دايمًا يتعبنى يا توفيق. كلامك دايمًا يخينقتنى. بيخلى كل حاجة فى عينى وحشة والدنيا كلها وحشة. ازاي انت قادر تعيش بكل الأفكار السوده اللي جواك دى؟ انت بتسمى الأفكار الواقعية العلمية أفكار سوده. بقول لك يا شرف الدين يا بنى انت أطيب من انك تفهم العلم. ظلموك اللى عملوك دكتور. الناس اللى طبيين زيك يروحوا يشتغلوا بالمسائل الروحانية أو فى الفن. ده انت كمان أطيب من انك تكون فنان. لأن الفنان لازم يكون شرير عشان يفهم شرور الحياه ويصورها للناس. انت أطيب من إنك تكون حاجة خالص. أطيب من إنك تكون إنسان حقك تكون ملاك بجناحين وتطير فوق فوق وتعيش فى السماء.

توفيق

انا ما نيش ملاك ولا حاجة يا توفيق. أنا عارف كويس ان الدنيا مليانه شرور لكن بالنسبة للدكتور فهيم بالذات... انت ما تعرفشى الدكتور فهيم فى نظرى إيه. أنا كنت باعتبره مثل الأعلى فى الحياة. أنا كنت بألف وادور فى الحياة وبعدين ارجع الاقيه الإنسان الوحيد اللى يقف جنبى وأنا مهزوم. كان هو الشئ الوحيد. اللى بيخلينى أحس إن الدنيا فيها خير. وفيها حب وإنسانية كان هو إيمانى الوحيد. كانت بتمر بى ظروف قاسية وخت مقالب كثيرة من ناس كثيرة لكن هو... افنكر إنه بس موجود كنت باطمئن واستريح. أرجوك يا توفيق ما تهزش ثقته فيه. وخصوصا فى حاجة خطيرة زى دى. لا يمكن الدكتور فهيم يسبب العمال تعبى وتموت. لا يمكن يكذب على ويقول ما فيش زرقا. مش يكذب. حيكذب ليه؟.

شرف الدين

توفيق

حيكذب ليه؟ أما انت ساذج صحيح. حيكذب لأنه مش قادر يعمل حاجة حي عمل إيه؟  
فكرة انك تهد المصنع وتبنى مصنع جديد مش مسأله سهلة. فين الفلوس اللي حيبني  
بها؟

شرف الدين

يعنى ما فيش عشرة مليون جنيه فى البلد. يعنى ما نقدرش نبنى مصنع جديد؟.  
نقدر نبنى. وفيه حاجات كثيرة بنقدر نبنينا. فيه بيوت جميلة بتبنى ويسكن فيها ناس  
محترمين. فيه بيوت زى القصور بتبنى للناس المحترمين الغاليين... اللي ثمنهم غالى  
قوى. مش زى قطع الغيار الرخيصة. بنى آدمين كل حتته فيهم غالية... بيوتهم غالية  
هدومهم غالية. ضوافرهم غالية. اللون اللي بيدهنوا بيه ضوافرهم غالى كحتهم غالية.  
الوآحد منهم يكح كحة وأحدة بس ويصرف عليها الآفات الآفات.. فيه فلوس مش ما  
فيش يا شرف الدين. لكن هي فين ومع مين وبتندفع فى إيه؟ فيه أولويات للدفع يا  
شرف الدين. أولويات... مش عارف أولويات يعنى إيه؟ باين عليك ما درستش  
تخطيط.

توفيق

شرف الدين شاردا صامتا.

توفيق

سرحان فى إيه يا شرف الدين.  
برضه أنا متأكد أن الدكتور غير دول كلمهم. د. فهيم لا يمكن يسبب الزرقا بين العمال  
فى المصنع ويسكت. لا يمكن يسببني أنا... (يسكت لحظة) لا يمكن يسببني أنا كمان  
أروح المصنع وهو عارف ان فيه زرقا كان على الأقل ينبهني. صدقني يا توفيق لازم  
تصدقني. انا متأكد من د. فهيم اعرفه أكثر ما اعرف نفسي. اقسم لك بشرفى وحياتي.  
اقسم لك بكل ذرة من وجودي وكل فكرى وكل قلبى إن د. فهيم إنسان مختلف عن اللي  
انت بتصوره. إنسان مختلف. لا يمكن يسببني أروح المصنع وهو عارف إنه بيعرض  
حياتي للخطر. كان على الأقل يقولى أو ينبهني عشان آخذ احتياطي.  
توفيق يسكت طويلا مفكرا متأثرا.

شرف الدين

توفيق

كلامك خلانى اتلخبط. يمكن صحيح ما فيش زرقا. يمكن. مش ممكن د. فهيم يكذب  
ويكذب عليك انت بالذات فى حاجة خطيرة زى دى. انا قريت اعتقد فعلا انه مش  
ممكن يكذب. ايمانك القوى بيه عدانى. الإيمان القوى زى المرض المعدى. أنا ابتديت  
أحس إن اللي انا شفته بعيني فى الميكروسكوب مش الزرقا. أنا حاسس دلوقت براحة.  
يمكن لأول مرة أحس بالراحة دى. تستعجب يا شرف الدين لو قلت لك ان الراحة اللي  
انا بأحسها دلوقت عمرى ما حستها ابدأ. لأ وانت صادق حسيتها مرة وأحدة بس لما  
شفت اسمى فى كشف الناجحين فى نهائى الطب. حسيت ان عبء كبير بينشال من  
على اكتافى وحسيت براحة. لأ برضه ما كانتش زى دى. فاكر انى اتضايقت ساعتها  
لأنى ما كنتش من الأوائل وعرفت ان النيابة فى القصر العيني راحت منى.....  
(يسكت لحظة مفكرا) لكن انا متأكد انى حسيت الاحساس ده مرة قبل كده. امتى وفيين

(بصوت رقيق)

مش فاكِر بالضبط. أيوه افكرت. (بيتسم لنفسه) كنت فى أولى طب وأول ليلة اروح فيها لوأحدة ست. حسيت زى ما يكون جسمى ده ثقل جسمى كله بينشال من على كتافى. (يسكت لحظة) لأ برضه ما كاننش زى دى. فاكِر انى ساعتها اتضايقت. (يضحك) كانت أول تجربة فى حياتى وما كنتش عارف إنى لازم ادفع قبل ما امشى. الحقيقة كنت عارف بس نسيت أو انكسفت اديها فلوس. وتصور هى اللى فكرتتى. فكرتتى بصوت غريب وحاد لسه فى ودانى . أحيانا أسمع. لما بيجى العيان يخرج من الباب وينسى يدفع أقوم افكره واقوله هات الكشف. لحظتها صوتى يرن فى ودانى غريب وحاد شبه صوتها؟ تصور أول مرة أقول الحكاية دى لحد. ويمكن أول مرة أقولها لنفسى. عمرى ما فكرت فيها وتصورت انى نسيتها. (توفيق ينظر فى ساعته) يا خبر انا ضيعت وقتك يا شرف الدين فى كلام فارغ. كان لازم تكون فى المصنع... (يسكت لحظة متذكرا).. انت رايح المصنع برضه؟ أيوه.

شرف الدين

(توفيق يتجه ناحية الميكروسكوب)

طيب استنى لما القى نظرة أخيرة.

توفيق

توفيق نظر فى الميكروسكوب لحظة. ينهض فجأة.

هو بعينه الزرقا. مش ممكن عينى تخدعنى بالشكل ده. مش ممكن تضيع سبع سنين طب وستنين دبلوم وثلاثه دكتوراه. أنا شايف انها الزرقا يا شرف الدين. تعالى بص تانى كده.

توفيق

شرف الدين يسير الى الميكروسكوب وينظر بهدوء.

ميكروب الزرقا يا توفيق زى العصايا. مش ممكن يكون بيبضاوى بالشكل ده. وكمان ما لوش ديل. ومش ممكن يكون "اسد فاست" بالشكل ده.

د. شرف الدين

(بصوت هادئ)

يشبه صوت د.

فهيم)

(يتجه ناحية الباب) انا تأخرت ولزم اروح المصنع بسرعة.

ظلام

\* \* \* \* \*



## المشهد السادس:

في حجرة د. شرف الدين بالمصنع.

د. شرف الدين والتمورجي شهدى يسعفان عاملا يحتضر راقدا على السرير. العامل يموت. شهدى يغاطيه بالملاءه. د. شرف الدين يجلس منهارا من التعب على الكرسي. العرق يتصبب منه. يبدو عليه الارهاق الشديد.

شهدى ينظر إليه طويلا في صمت وتأثر.

تعرف يا دكتور شرف الدين انت وانت قاعد كده بتفكرنى بمين؟  
ممين؟

شهدى

د. شرف الدين

في اعياء

شهدى

الدكتورة نادرة. كانت في شغلها زيك بالضبط. تموت نفسها من الشغل. ليل نهار ليل نهار. كانوا العمال يحبوها حب. ماكانش نحس انها دكتورة تاكل معانا وتسهر معانا.. ووشها دايم بيتسم.. عمرها ما كشرت في وش عيان... والله يا دكتور شرف الدين اللي يشوفك يقول أخوها والا قريبها... حضرتك تعرف الدكتورة نادرة.  
لأ. ما عرفهاش يا شهدى. الدكاتره كثير والدكتورات كثير...

شرف الدين

شهدى

لا لأ. هي مش زى الدكاتره. ولا الدكتورات... هي وأحده ثانية خالص يا دكتور شرف الدين. خسارة انك ما تعرفهاش. خسارة يا دكتور شرف الدين لأنها الخالق الناطق شيهك بالضبط. حتى قعدتها على الكرسي ده لما كانت يا عيني تقع من التعب... تمام هي القعده. يا سلام رينا ده كبير يخلق من الشبه أربعين.  
يسير شهدى نحو العامل الميت ويحاول أن يحمله.

ظلام

## المشهد السابع:

المسرح مظلم. ضوء خفيف يظهر عند مدخل المسرح من ناحية اليمين. يظهر فى الضوء شهدى حأملا العامل على كتفيه ويسير به ببطء مجتازا خشبة المسرح. موسيقى حزينة يخرج شهدى بحمله من الناحية اليسرى.

المسرح يظل مظلما خاليا. ضوء خفيف يظهر. تظهر من ناحية اليمين امرأة ترتدى السواد تجرى بسرعة المذهولة ومن خلفها أطفال صغار صغار يجرون خلفها. يجتازون المسرح بسرعة ويخرجون من الناحية اليسرى.

المسرح مظلم وخالى تماما. صمت.

تسمع صرخة امرأة مكتومة: آه يا ضنايا.

صمت وظلام والمسرح خالى.

يسمع صوت نحيب مكتوم: آه يا ريد.

صمت وظلام

تسمع صرخة طفل صغير يبكى.

صمت وظلام والمسرح خالى.

يضاء المسرح فى استراحة قصيرة.

.....

\* \* \* \* \*

## الفصل الثانى

### 8 مشاهد

#### المشهد الاول:

المسرح مظلم تماما وخالى.

يسقط ضوء خفيف على منتصف خشبة المسرح ويظهر طفل صغير جالس وحده في الظلام. يده ممدودة فارغة.

يبدأ الضوء يغمر المسرح تدريجيا. ويبدأ الناس المارة يملأون خشبة المسرح. الكل يجري بسرعة الى عمله وحاله. لا أحد يرى الطفل الجالس بيده الممدودة الفارغة. أحد المارة يلقى في اليد الصغيرة الممدودة الفارغة قرشا دون أن ينظر الى الطفل ويسرع في طريقه. الضوء يخفت تدريجيا على المسرح. والناس تقل تدريجيا حتى يظلم المسرح تماما ويخلو من المارة لا يبقى إلا الطفل الصغير جالس مكانه ويده ممدودة أمامه في الظلام.

ظلام

\* \* \* \* \*

Akhawia.net

## المشهد الثانى

الضوء القوى فى حجرة نوم فاخرة جدا . هى حجرة نوم د . فهيم وزوجته تقيدة .

د . فهيم بملابس البيت جالس الى كرسى فوتيل يدخن بكثرة ويبدو عليه التفكير العميق والضيق . تقيدة جالسة على السرير بشعرها الصناعى وملاحظها المصنوعة وحركتها المصنوعة .

تقيدة : برضه مش قادرة أعرف ايه اللي مضايقتك فى الحكاية دى . الكلام اللي انت قلتة ده كله مش شايقة فيه حاجة تضايق ابدأ .

د . فهيم : بقه كل اللي حكيتة ده ومش قادرة تعرفى ايه اللي مضايقتى . كل الجهد اللي بذلتة ده فى الكلام وأنا باحكيك ما قدرتيش تعرفى ايه اللي مضايقتى . انت ايه؟ انت ايه؟ ما بتحسيسش والا ايه؟ (فى ضيق)

تقيدة : اسمع يا فهيم . إذا كنت عاوز تقليبها غم زى كل ليلة نقفل الموضوع ده خالص . ستين مرة قولتلك ما ليش دعوة بشغلك . ستين مرة قولتلك ما تجلبش سيرة العمل وخصوصا قبل النوم . كفاية طوال النهار قاعد فى مكتبك تتكلم فى الشغل . الساعة الوحيدة اللي نقدر نقعد فيها مع بعض آخر الليل تتكلم برضه فى الشغل دى حاجة تكفر . وبرضه مستحتملة ومستروقة وقاعدة باسمع لك . بقى لك ساعة تتكلم وأنا قاعدة أسمع لما طلعت روحى . وأنا مالى ومال الأرناب يولدوا والا ما يولدوش . والأرناب الاسترالى ايه . . . ومش عارفة ميكروبات ايه . . . ومش عارفة الدكتور شرف الدين ايه . . . والوالى مبسوط منى . . . (تقلد د . فهيم بصوتها) . . . والوالى يقولى انا نوع نادر من البشر ولازم نحافظ عليك . . . ونخاف عليك . ثلاث اربع كلامك عن إن الوالى مبسوط منك وخايف عليك . عاوزنى اعرف منين انك مضايق . وعاوزنى اعرف كمان ايه اللي مضايقتك . هو انا باضرب الودع والا بافتح كوتشينة . كنت بتتكلم وانت مبسوط . ما حسنتش فى صوتك ريحة الزعل لكن ازاي؟ ازاي ليلة وأحدة تمر من غير زعل . لازم تتكد على كل ليلة . لازم تخلق حاجة تزعل عشان تتحجج وتدينى ضهرك . اللعبة ما بقتش تنطلى على يا فهيم . ما تقولها كده بصراحة وشجاعة انك بتحب وأحدة تانية . انت فاكرنى مش عارفة . أنا عارفة كل حاجة والناس كلها بتيجى تقوللى .

د . فهيم : ايه الكلام اللي انت بتقوليه ده يا تقيدة؟

(فى زعر)

تقيدة : ده مش كلام . دى حقيقة . الناس كلها عارفاها مش انا بس .

عارفة آيه؟

د. فهميم

(فى قلق)

تفيدة

اعمل نفسك مش عارف حاجة. مثل على دور آخر من يعلم. لكن انا خلاص استحملت كثير وسمعت كثير. وكل مرة اقول بلاش اقولك. كلام الناس كثير وما يسبوش حد فى حاله... خصوصا لما يكون وأحد زيك ناجح وواصل والوالى راضى عنه.. كل الناس بتحقد عليه. وقلت يمكن الستات غيرانين لأنك متجوز وأحدة ست راقية من عيله كبيرة وعوزين يوقعوا بينى وبينك. قلت لنفسى حاجات واستحملت. لكن انا خلاص عرفت. عرفت انك مش ممكن تكون بتحبنى زى الأول. طول النهار برة البيت ولما تيجى البيت تبقى مش طايق تقعد معايا قعدة هادية ورايقة. لازم تعكر الجو بأى حاجة بأى كلمة وامبارح تقولى شكلى وحش فى الباروكة الجديدة. طبعا بقيت وحشة بالنسبة للست الدكتورة!

مين دى؟

د. فهميم

ذات الشعر اللى مالوش وصف. بيقولوا ان شعرها مقصوص زى الرجالة ومشيتها زى الرجالة ورجليها معوجة ومقفعة وبالبلأ!

تفيدة

تقصدى مين بالكلام ده؟

د. فهميم

لكن الحب وحش. الحب اعمى والغريبة انهم مش عارفين مين اللى يبجب التانى. انت اللى بتحبها والا هى اللى بتحبك.

تفيدة

مين هى دى اللى انت تقصديها؟!

د. فهميم

الست الدكتورة اللى انت سبيتها شغلها فى المصنع وعملتها قال إيه سكرتيرة سكرتيرة خاصة.. خاصة قوى!

تفيدة

دكتورة نادرة؟ تقصدى الدكتورة نادرة؟!

د. فهميم

برافوا! ازاي عرفت اسمها؟

تفيدة

تصفق فى

سخرية

د. فهميم

اعقلى يا تفيدة. خلى فى مخك شوية عقل د. نادرة كانت تلميذتى ودى إنسانه طيبة وشغالة ومن عيله مكافحة ولها تقاليد. انت ما تعرفيش العائلات المكافحة دى تقاليدها ازاي. مش زى العائلات اللى من الطبقة الراقية بتاعتك... البنات فى الطبقة دى حياتها كلها ممكن تنهدم لو سمعتها ساعات. نادرة بنت شغالة ومخلصة فى شغلها عشان كده انا جبته معايا فى المكتب. بتشيل عنى شغل كثير بتموت نفسها فى الشغل. وهى تلميذة فى الطب كانت بتشغل بعد الظهر عشان تدفع مصاريف الكلية. كانت تلميذتى واعرفها كويس واعرف اخلاقها. حرام عليكى يا تفيدة ما تسويش سمعة البنات. انا عارفك لما

- تدبئى وأحدة. فاكرة مدام عليّة اللى طفشتيها من البلد كلها عشان اتهيأ لك انها كانت بتبص لى.
- تفيدة  
د. فهميم  
ماهى كانت بتبص لك. وانت كنت بتشجعها. عاوز تتكر .  
يا تفيدة بلاش نفتح المواضيع دى. احنا متجوزين بقه لنا عشرين سنة وعندنا ولد شاب فى كلية الطب. عيب! عيب تفضلى تتكلمى كده زى بنت صغيرة. انت كبرت يا تفيدة على الكلام ده!
- تفيدة  
د. فهميم  
كبرت؟ كبرت يعنى إيه يا فهميم؟ انا كبرت؟ شوف كلامك اللى زى الطوب طبعا كبرت بالنسبة للبنات الكنكوتة اللى عندك فى المكتب.  
اووه!
- تفيدة  
تقلد صوته  
حرام عليك يا تفيدة ما تسويش سمعة البنت. مين اللى قال انها بنت؟ ومين اللى قال ان سمعتها نضيفه قوى! مش هى دى اللى هربت من أهلها عشان تتجوز عامل فى المصنع. وياريته كان جواز! بقى يا أستاذ فهميم تبص لوأحدة بالشكل ده! طب نقى حاجة كويسة تستاهل!
- د. فهميم  
تفيدة  
أقفلى يا تفيدة الموضوع ده احسن لك!  
تقصد ايه؟ مالك زعلت كده؟
- د. فهميم  
تفيدة (غاضبا)  
سيبيني لوحدى خالص. مش عاوز اسمع صوت. انا تعبان وطول النهار باشتغل. ستين حاجة فى دماغى.. ستين مشكل. بلاوى مثلته فوق دماغى (تفيدة تغادر السرير وتسير نحو الباب ببطء).
- د. فهميم  
تفيدة (غاضبا)  
وكمان زادت البلوى دى. الميكروب ده اللى جه المصنع... مشكلة كبيرة مش عارف لها حل.. واضطريت اكذب على كل الناس.. حتى على شرف الدين..
- تفيدة  
د. فهميم  
ما هو اصل الكذب فى دمك. إذا كنت بتكذب على انا مش عاوز تكذب على الناس الغرب. انا اللى عشت معاك عشرين سنة.. وكل ليلة.. (تمسح دموعها) وكل ليلة.. كنت بتكذب على واحنا مع بعض. واحنا سوا فى سرير وأحد. اخص عليك يا فهميم. يا خاين يا غدار ياللى مطمرش فيك العيش والملح.
- د. فهميم  
تفيدة  
يا تفيدة اعقلى. خلى الليلة تقوت على خير. خلينا عايشين زى ما كنا عايشين. بقول لك اعصابى تعبانة ومش مستحمل عكثه. وبلاش حكاية الكذب دى ارجوكى لأنك عارفة مين اللى كذب على التانى. أنا والا انت؟ نسيتى حكاية.. فاكهه لما.. (يسكت لحظة)  
على العموم انا نسيت وقلت عشان الولاد نعيش ما فيش داعى نمرط الولاد بينا. خلينا عايشين يا تفيدة وبلاش تقلب المواجه. خلينا عايشين زى الناس ما هى عيشة.

تفيدة تمسح دموعها وتخرج.

فهم وحده يمسك رأسه بيده يكلم نفسه.  
فهم يارب. انا تعبان. دماغى! مش ناقص تعب...  
يفكر لحظة فى صمت.

لو كان وأحد تانى غير شرف الدين كانت بقت المسألة اسهل. إنما شرف الدين.. حيقول ايه على لو عرف انى...  
لو كان يقدر يفهم كنت شرحت له موقفى. لكن ده لا يمكن يفهم. لا يمكن يتصور انى ممكن اضعف. انى زى أى  
بنى آدم تانى... كان بيص لى على إبنى إله. وانا اللى كنت باشجعه على كده. كان بيرضىنى انى احس انى اله.  
انا اللى رسبت الفكرة دى فى نفسه. انى وأحد تانى غير الناس. ما قدرش... ما قدرش انزعها منه دلوقت... ما  
قدرش انزعها منه بسهولة... بس لو كان وأحد تانى غير شرف الدين... كانت المسألة بقت اسهل...

يسك رأسه...

ظلام

\* \* \* \* \*

### المشهد الثالث:

د. شرف الدين راقد على السرير بحجرته بالمصنع يلفظ أنفاسه الأخيرة والى جواره التمرجى.

شهدى يحاول أن يسعفه.

شهدى : دكتور شرف الدين. يانهار اسود.. اعمل ايه بس. انا ما نيش دكتور.. اسعفه ازاي

بس؟ يقرب كوب من الماء من شفتى شرف الدين. شرف الدين يفتح عينيه.

شهدى : د. شرف الدين. انا شهدى.

شرف الدين : شهدى. فين توفيق؟ اندهله.

شهدى : ندهلته. جاى حالا فى السكة. زمانه يوصل حالا.

شرف الدين : لوجه توفيق وانا ما كنتش.. قوله يا شهدى شرف الدين بيقولك انها الزرقا..

يدخل توفيق مهرولا مسرعا...

توفيق : شرف الدين. مالك؟. هات كورماين يا شهدى بسرعة.

(يعطيه حقنه)

شرف الدين : د. فهميم كذب على "يا توفيق. دلوقت بس عرفته. ازاي ما عرفتش قبل كده. عرفت

(بصعوبة) دلوقت بس. عرفت متأخر قوى... خلاص الفرصة راحت يا توفيق.. الأمل راح.. يلفظ

أنفاسه.

توفيق (فى) لا يا شرف الدين. الأمل ما راحش. لسه فيه أمل. لسه فيه فرصة. هات كمان حقنة

اضطراب) كورماين يا شهدى.

شهدى يجرى كالمسلوع ويأتى بالحقنه.

توفيق يغرزها فى ذراع شرف الدين.

شرف الدين اصحى. اصحى يا شرف الدين. لسه فيه فرصة. لسه فيه أمل يا شهدى

توفيق هات كمان حقنة.

شهدى يجرى ويأتى بحقنة اخرى.

شرف الدين. اسمعنى. قاوم الموت يا شرف الدين زى ما كنت بتقاوم كل حاجه.. قاوم

ما تستسلمش عمرك ما استسلمت. قاوم يا شرف الدين. فيه فرصة. فيه أمل. مش

ممكن تموت. مش ممكن الملاك يا ناس هو اللى يموت..

توفيق يلقى الحقنة على الارض فتتكسر ويبكى.

شهدى يغطى جسم شرف الدين الميت وهو ينظر اليه فى ذهول وحزن شديدين.

شرف الدين مات يا شهدى. شيله على كتافك. الملاك اللى رفض انه يبات ليلة وأحدة

توفيق



خارج المصنع. كان ببسهر عليكم وبشيلكم وأحد ورا وأحد شيله يا شهدى فى عينك. شرف الدين كان مؤمن. كان مؤمن بشئ غير موجود وعمره ما فقد إيمانه. حتى كلامى اللى زى السم ما اثرشى فيه. كان عايش فى وهم. الدكتور فهيم ما يكذبش. ما فيش زرقا يعنى ما فيش زرقا. والزرقا عماله تتهش فى لحم العمال. والزرقا عايشة فى المصنع... عايشة وعماله تكبر وتترعرع. الميكروب عايش ويترعع والملاك الطاهر مات. ربنا رحمه واستريح. شرف الدين استريح يا شهدى. وعاش كمان مستريح. كان مصدق ان فيه خير فى الدنيا دى وان د. فهيم بيقول الحق. وشرف الدين مات واستريح. إنما انا.. انا اللى عايش وتعبان. انا اللى مش مؤمن بحاجة خالص.. دنيا وحشه وكلهم كدابين. كلهم كدابين. والصادق النهاردة بكرة يكذب لما الظروف تتغير. والشجاع النهاردة بكرة لما يقف قصاد الاكبر منه يبقى أرنب. أنا مش مؤمن بحاجة يا شهدى. مش مؤمن حتى بنفسى. أنا جبان. أنا عارف انها الزرقا وساكت. أبوه ساكت ومقدرش اقول... اشمعنى انا دونا عن الكل اللى اقول... عاوز ولادى يا شهدى يعيشوا وياكلوا ويروحوا المدارس.. ولادى هم السبب يا شهدى! هم السبب يمكن لو مكانشى عندى اولاد يمكن كنت اقول. لكن برضه ما اعرفش. انا باخاف يا شهدى. انا جبان يا شهدى (بيكى).

شهدى يواسيه.  
ما تعملش فى نفسك كده يا دكتور توفيق.  
دى كانت آخر فرصة يا شهدى. كان آخر أمل. خلاص الفرصة راحت الأمل راح... لا ما راحش. الأمل ما راحش ولسه فيه فرصة طول ما احنا عايشين. طوال ما فينا نفس طول ما فينا نفس فيه فرصة وفيه أمل.. فيه! فيه! فيه!

شهدى

توفيق

شهدى (فى عزم)

ظلام

\* \* \* \* \*

## المشهد الرابع:

شهدى راقد على الارض فى ززانته.

السجان يضربه بالسوط.

شهدى (بصيح) فيه!

السجان (بضربه) ما فيش!

شهدى فيه!

السجان ما فيش!

يستريح السجان قليلا من الضرب. يجفف عرقه يمسك ذراعه الذى ألمه من رفع السوط والضرب مدة طويلة.

السجان آه يا ذراعى. ذراعى انخلع من الضرب وانت لسه ما حستش. قول ما فيش زرقا.

شهدى فيه زرقا.

السجان قول ما فيش.

شهدى فيه.

السجان يبدأ بضربه مرة اخرى.

السجان ما فيش.

شهدى فيه.

السجان ما فيش.

شهدى فيه.

يستريح السجان قليلا. يجفف عرقه. يدلك ذراعه من التعب.

السجان انت ايه؟ انت مش بنى آدم وإلا ايه؟ والله والله العظيم لو كان بغل كان حسن.

(فى غضب)

شهدى (بصوت متعب جدا) أص انا ما نيش بغل. أنا شهدى. أنا إنسان. عشت وسط الناس فى المصنع. كنت بشيلهم على ايديا دول.. كنت بحس جسمهم وهو سخن زى النار وبعدين بيرد ويثلج زى حته اللحمه...

شيلتهم بايديا دول وشيلت عيالهم.. شيلتهم بايديا وشفتهم بعينى.. كنت اشوف العيل من دول

ينيش فى صفيحة الزباله زى الكلب عشان يعتر فى عضمة.. على لقمة بايته ومعفنة. على

شوية رز فضلوا من الجيران ورموهم فى الزباله. وشفت الدكتور شرف الدين. كان زى الشعلة

المنورة. يروح ويجى ويكلم كل وأحد ويضحك. تمام شبه الدكتوراة نادرة.. يا ترى انت فين يا نادرة!

السجان يضربه بالسوط.

قول ما فيش زرقا.

فيه.

ما فيش.

فيه.

السجان يستريح ويبصق عليه ويتركه قليلا.

اقسم بشرفى لو بغل كان حس.

أيوه.. لو كنت بغل ما كنتش حسيتهم بايديا دول وشفتهم بعينى دول. أعمل ايه.. ذنبى ايه إن

انا بنى آدم. لى إيدى بتحس ولى عينين بتشوف.

السجان يلسعه بالسوط.

بنى آدم ايه؟ لو كنت بنى آدم كنت حسيت لسعة الكرياج ده!

لسعة الكرياج مش بتوجع زى لسعة الألم والجوع بتوجع زى لسعة عين عيل يتيم بيدور على لقمة فى التراب!

ذراعى انخلع ودمك ساح على الارض ولسه مش عاوز تسمع الكلام. شايف اللى على الأرض ده؟ ده دمك بص شوفه.

ده دمي ده. مش عارف انه دمي. حتى جسمى ما بقتش حاسس بيه. اضرب زى ما انت

عاوز... خلاص انا مش حاسس بجسمى...

السجان يضربه بشدة.

قول ما فيش زرقا.

فيه زرقا.

ما فيش.

فيه...فيه...فيه...

يصرخ وهو يقول بجنون: فيه.. فيه!

ظلام

يسمع فقط صوت السوط وهو يضرب وصوت شهدي بئن بضعف ويقول مرددا بصوت خافت جدا: فيه... فيه... فيه... فيه... صوته يخفت تدريجيا دون ان ينقطع.

ظلام

\* \* \* \* \*

Akhawia.net

## المشهد الخامس

شهدى راقد فى حاله سيئة على الارض فى الزنزانة السابقة. يفتح فمه بصعوبة ويقول بصوت خافت ضعيف جدا.

شهدى فيه... فيه... يا دكتورة نادرة...

دكتورة نادرة واقفة الى جواره تنظر اليه فى ألم وذهول.

شهدى فيه يا د. نادرة. بقى لى زمان بدور عليكى يا. د. نادرة. كتر خيرك اللى تعبت نفسك وجيتى لغاية هنا. لكن أعمل ايه يا د. نادرة. ما حدش راضى يجيب رباط شاش محدش سائل عنى. عشان كده سألت عليكى وقلت لهم يدوروا عليكى انت الوحيدة اللى حتقدرى.. حتقدرى تعرفى ازاي لما الجرح يبقى مفتوح لازم يتربط برباط شاش. انت اللى حتقدرى تجيبلى رباط شاش اربط ذراعى. الجرح مفتوح والدود بياكل فيه وما حدش راضى يجيب لى رباط شاش. خافين يجيبوه اقوم ألفه حوالين رقبتى واموت نفسى. قولى لهم يا د. نادرة شهدى مش ممكن يموت نفسه. شهدى مش ممكن ينتحر. لو كان عاوز كان موت نفسه من زمان أنت عارفانى يا د. نادرة عارفانى. عارفة ازاي انا عاوز اعيش.. عاوز اعيش عشان ارجع المصنع.. عشان ارجع واقول للعمال ان فيه زرقا... فيه... فيه... يا د. نادرة فيه...

د. نادرة واقفة جامدة كالتمثال تنظر حولها فى ذهول وألم وحزن وغضب.

ازاي؟! ازاي ده حصل؟! ازاي قدر يسكت ولا يقولش؟! ازاي قدر ما يقولش؟! الدكتور فهيم؟! ازاي قدر يسكت؟! ازاي?!

د. نادرة: (صوتها

يعبر عن كل هذه

الانفعالات)

ظلام

\* \* \* \* \*

## المشهد السادس:

في مكتب د. فهيم الفاخر.

د. نادرة واقفة أمام د. فهيم. فهيم جالس يبدو عليه التعب والانكسار.

د. نادرة (نفس) ازاي؟! ازاي؟! قدرت تسكت؟! ازاي ما قلتش؟!!

(صوتها السابق)

د. فهيم كان شئ فوق طاقتي يا نادرة.. ما تتصوريش لما شرف الدين مات انا حزنت أد ايه.

(بصوت منكسر)

شرف الدين؟! بس شرف الدين اللي انت حزنت عليه! بس شرف الدين اللي انت بتفكر فيه.

لأنه شرف الدين. لأنه التلميذ اللي كان ببص لك على انك فوق فوق. التلميذ اللي كانت عينيه

تلمع من الفرح لما يشوفك وببص لك على إنك إله. كنت بتحب شرف الدين لأنه كان بيعبدك.

كنت بتحب عبادته ليك. كنت بتحب إيمانه بيك. بتحب "الأنا" بتاعتك فيه. لكن عمرك ما

حبيته هو. وعشان كده قدرت ترميه للموت لما خفت. لما المسألة بقت انا واللا هو. اخترت

"الأنا" بتاعتك وكنت دايمًا تختار "الأنا" بتاعتك. عمرك ما اخترت حد غير الدكتور فهيم.

د. فهيم أرجوكي يا نادرة حاولي تقدري موقفي. موقفي كان صعب. صعب جدًا. لو كنت مكاني يا نادرة

كنت حتعلمي ايه؟

كنت لازم اقول. لازم اقول... وحقول. مقدرش ما قولش. ما قدرش! انا غيرك يا د. فهيم. انت

قدرت تسكت. إنما انا ما قدرش.

د. فهيم يمكن بعد عشر سنين يا نادرة لما تبقى في سني يمكن تقدري تفهمي موقفي. فيه حاجات في

الدنيا يا نادرة انت لسه ما تعرفيهاش. احتياجات كثيرة بتولد في حياة الإنسان لما يكبر. أنا

سكتت عشان الولاد يا نادرة. يمكن لو جريت انك تكوني أب أو أم يمكن تعرفي. أنا خفت مش

على نفسي. لو كانت نفسي كانت بقت المسألة سهلة. لكن الولاد. تصوري لو كنت أم وجت

قوى كبيرة اقوى منك عاوزة تحرمك من طفلك وتحرم طفلك منك؟ أم أو أب. شعور الأب زي

شعور الأم وأكثر... وخصوصًا لما يحس بانه مهدد. فيه حاجات في الدنيا يا نادرة لسه

حتعرفيها. لما تبقى أم حتقدري تعرفيها وتعذريني.

د. نادرة مين قالك اني ما كنتش أم؟ أنا كنت أم من 18 سنة. كنت تلميذة في آخر سنة في ثانوي.

فتحت عيني لقيت نفسي نايمة على مرتبة قديمة في أوده بلاط. ما كنتش معايا محمود. كان

فى المصنع. بصيت جنبى لقيت طفل صغير . ومد يده الصغيرة. صوابه كانت صغيرة قوى . لكنها كانت شبه صوابى . ومديت إيدى عشان امسكه . بصيت لقيت يده لفت حوالين صباى ومسكته قوى قوى . حطيته فى سدرى وبصيت فى وشه . وشه كان اسمر محمر . وعينه كانت مدورة والننى كبير .. ويلمع . ويلمع . زى فص الألماز . كنت عاوزة محمود يرجع بسرعة من المصنع عشان يشوفه . لكن محمود مارجعش . وسمعت من زمايله فى المصنع إنه مات بالزرقا . كنت لسه صغيرة . سبعتاشر سنه . وهريانة من كل الناس . وهريانة من أبويا وأمى وكل الناس . كانوا عاوزين يمسونى ويحطونى فى القفص لكن انا هربت . أخذت شنطة هدى الصغيرة وهربت فى نص الليل وهم نايمين . ومشيت لوحدى فى الشارع الطويل الضالمة . كانت الدنيا مطر وبرد والدنيا ضالمة . فى لحظة خفت . ووقفت . وفكرت أدور وارجع . كان الطريق قدامى طويل وضالمة وفى كل ركن شبح واقف يتربص . وقفت فى وسط الطريق وحركت قدمى عشان ادور وارجع . قلت لنفسى لحظتها القفص أرحم . السجن برضه فيه أمان عن الدنيا الضالمة الواسعة . السجن له أربع حيطان تحمينى وتخبينى . لكن ما اقدرتش ارجع . كان فيه حاجة غريبة بتزنى لقدام . حاجة غريبة لا ارادية زى القدر . ابدا ما كانش القدر . ابدا ما كانش حاجة لا إرادية . ما حدش ضرينى على ايدى وقالى اهرى . كنت ما شيه على رجليه بارادتى . كنت عارفة إنى رايحة للأوده البلاط والمرتبة القديمة والشباك المكسور بتبص منه عينين الناس ... والسنة والناس وايدى الناس حتتهش فى زى حته لحمه . لكن ما قدرش ارجع . كان فيه حاجة بتزنى لقدام حاجة أقوى من الارادة . حاجة أقوى من الحب والجنس . فى الليلة دى بالذات ما نمناش سوا . فى الليلة دى بالذات ما كنتش عاوزة محمود . كنت عاوزة اهرب من القفص . قفص المجتمع المزيف قفص التقاليد المزيفة ، والشرف المزيف ، والحب المزيف ، والكلام المزيف ، والوجوه المزيفة ، والزواق الكذاب كنت عاوزة اهرب واحرر نفسى . كانت اصعب لحظة فى حياتى . دست عليها بقدمى ومشيت عليها ومشيت ... كان ممكن فى كل خطوة اقف وادور وارجع .. ارجع لأبويا ولأمى ولبيتنا الدافى واتجوز ابن عمى زكريا تاجر الموبليات الغنى واجيب جهاز وعيال واعيش زى الناس عايشين . لكن مارجعش . كنت شايفة الطريق قدامى ضالمة وطويل وصعب لكن ما ارجعش . دست على قدمى ومشيت . دست على أصعب لحظة ومشيت . فيه ناس ما تقدرش تدوس على اللحظة دى وتمشى تفضل واقفه عندها . ما سكة فيها وخايفة . مثبتة فيها وخايفة . يفضلوا اسرى اللحظة دى . اللحظة هى اللى تمسكهم وتأسرهم وتدوس عليهم ويفضلوا واقفين ... الدنيا من حواليهم تمشى والزمن يمشى وهم واقفين فى مكانهم عند اللحظة دى . دايساهم . حبساهم زى الفيران فى القفص . دى اللحظة اللى حررتنى . لا ابدا . ما كنش برضه هى دى . دى كانت اول لحظة بس . اول خطوة على الطريق . كانت نقطة البداية وبعد كده تيجى نقطة تانية . لحظة تانية وثالثة . ورابعة . وعشرة ومية . وأحدة

ورا الثانية. ورا التنية. بالتدريج... وأحدة ورا الثانية خطوة ورا خطوة. نقطة فوق نقطة لغاية ما الدورق يتملى... طريق طويل. وكل لحظة فيه صعبة وطويلة زى الدهر. تخلى جذور الشعر تقف والشعر يشيب والعمر يتملى ويكبر وان ما فاتش فيه كثير عدد اللحظات دى هى اللى بتعمل العمر مش عدد السنين. لحظة ورا لحظة بالتدريج... لحظة ورا لحظة بالتدريج زى المية على النار تسخن شوية شوية وبعدين تيجى لحظة تغلى وما تبقاش ميه تبقى بخار. كذلك الإنسان لحظة تتراكم على لحظة على لحظة تراكم كمي بالتدريج وبعدين تيجى لحظة يتغير النوع. يفتح الواحد عينه يحس انه بقى وأحد تانى. إنسان جديد. غير الاولانى. يفتح ذراعاته ويحس انه يقدر يحضن الهوا والسما والدنيا والناس يحس انه يقدر يحضن كل الناس. يفتح ذراعاته عن آخرها ويحس انه مالك الدنيا. مالك كل لحظة فى عمره. مالك كل حته فى نفسه. مالك نفسه ومالك جسمه. مالك عضلات وشه. يقدر يفتح بقه ويضحك ويقهقه بصوت عالى. يقدر يفتح بقه ويقول اللى هو عاوزه. صوت يخرج لوأحده طبيعى بدون مجهود ويقول: فيه زرقا... أيوه فيه زرقا.. شوف انا بقولها سهلة ازاي... سهلة على... طبيعية زى الهوا ما بيدخل جوه الصدر ويطلع. ازاي كانت صعبة عليك؟! ازاي ما قدرتش تقولها؟! ازاي؟! ما قدرتش اقولها يا نادرة. كانت صعبة على... اصعب حاجة قابلتها فى حياتي... اصعب حاجة.

د. فهم

لأنك ما عشتش لحظة أصعب منها لأنك ما مشتش فى الطريق الطويل الصعب. مش كل وأحد يقدر يمشى فيه. فيه ناس بتأخذ الطريق السهل القصير. بتبقى مستعجلة تزه غيرها وتبقى عاوزه توصل. عاوزه تتجح. عاوزه عاوزه عاوزه... العوزان النهم. انا عاوز انا اريد... انا اريد. الارادة الجشعة السريعة المسألة مش ارادة بس. المسألة مش انا اريد. المسألة مش انا عاوز. فيه ناس بتعوز تاكل وغيرها يجوع. فيه ناس ارادتها حديد تقتل عشان تملى بطنها وغيرها يجوع. المسألة اكبر من الارادة أو اللارادة. واصعب من الارادة أو اللارادة. المسألة ازاي الإنسان يمشى فى الطريق الصعب لحظة ورا لحظة ورا لحظة ويحمر نفسه. يحمر نفسه من جوه ذاته ويخليها تخرج بره جسمه وتحس غيره يحمرها من "الأنا" ويحس غيره زى ما تحس جسمه. ويبقى فى الوقت ده يعوز غيره ياكل زى ما هو بياكل.. يبقى ممكن يقتل عشان غيره ياكل زى ما هو بياكل من أربع سنين بس مريت باللحظة دى. كان عندى نوبتتنيه حوادث فى المصنع وخرجت راجعه بيتى قبل الفجر بشوية صغيرين. كانت الدنيا شتا ومطر ومالقتش حاجة اركبها فمشيت، وانا بعدى كوبرى عباس شفت حاجة صغيرة ملفوفة ومحطوطة على الرصيف. وقفت وبصيت شفت ايد صغيرة وصوابها صغيرة. مديت ايدى بصيت لقيت الصواب الصغيرة بتلف حوالين صباعى وتمسكه قوى قوى. حطيته فى سدرى وبصيت فى وشه. وشه كان اسمر ومحمر. وعينه كانت مدورة والننى كبير ويلمع بيلمع زى فص الألاماز

نادرة



حسيت انه ابني انا اللي ولدته اتولد من صلبى انا. ولدته فين أو متى معرفشى. لكن انا اللي ولدته. عمرك ما جالك الاحساس ده ؟ عمرك ما وقفت العربية بتاعتك على كوبرى عباس وبصيت ؟ لو كنت وقفت مرة لو كنت بصيت مرة يمكن كنت عرفت. يمكن كنت عرفت ان كل الأطفال بيتولدوا شكل بعض. كل الناس بيتولدوا زى بعض. لكن بعد كده بيختلفوا... ينقسموا نوعين... نوع بيدور على الطريق الصعب ويمشى فيه ويعرف الألم ونوع يدور على الطريق السهل ويهرب من الألم وما يعرفوش. الألم ده هو الإنسان نفس الإنسان. القوة. الروح. الإله اللي جوه الإنسان. هو الفرق بين إنسان وإنسان. فرق رفيع وشفاف. احيانا ما ينشأفش ويفوت علينا يفوت. زى الشعرة فى العجين بتفوت.

د. فهيم مطرق رأسه فى تفكير عميق وحزن عميق.

انا فعلا يا نادرة... عمري ما عرفت الألم. كنت باجى لغاية عنده واهرب. حياتى كلها كانت سهلة. ابويا علمنى وصرف عليا فى كلية الطب. كنت ارجع الاقى عشائى جاهز وسيريرى جاهز وأودتى نضيفه. كان عندى كل حاجة. عمري ما عرفت يعنى ايه وأحد يجوع. وبقيت دكتور وأستاذ طب. ما عرفش كل حاجة كانت سهلة ازاي. عشان كده كان متهيأ لى ان كل حاجة سهلة والدنيا ما فيهاش ألم. حتى لما كنت بسأل العيان واقوله فين الألم. يا ابويا ويشاور على صدره أو بطنه احط ايدى على جسمه وما احسش بالألم. وانا صغير لما كانوا يغرزوا فى دراعى حقنة التطعيم كنت اصرخ من الألم. وفضلت طول عمري اكره اخذ الحقن. اصعب الم شفته فى جسمى هو ابرة التطعيم. لكن لما كنت اغرز الحقنه فى دراع العيان ويشد ايده استغرب ليه يبشدها واقوله ما تشدش ايدك وخليك شجاع وخليك راجل. مع انى كنت عارف بعقلى كطبيب ازاي الجسم يتألم. لكن ما كنتش عارف باحساسى يعنى ايه ألم. العقل سهل يعرف ويتملى معلومات عن اكبر العضلات اللي فى الدنيا والعلوم. سهل ان العقل يتعلم لكن الاحساس اصعب حاجة ان الاحساس يتعلم. ذنبى اية يا نادرة ؟ ذنبى ايه ظروفى كانت سهلة وكويسة. ذنبى ايه ؟

د. فهيم (بصوت متأثر)

كنت لازم تقلق وتدور. كنت لازم تقلق وتحس بنقص. اللي عمره ما اتألم ويكون إنسان لازم يحس انه صغير ووحيد. وقلقان. لازم يحس ان حياته ناقصة وحاجة فى حياته ناقصه. حاجة فى حياته ضايعة ومش لاقبها. حاجة مهمة خالص مش لاقبها. ما يحسش طعم الأكل ولا الشرب ولا النوم ولا الجنس وكل حاجة تبقى من غير طعم زى الميه الفاترة. فيه ناس تعيش وتسكت وترضى بالعيشة الناقصة وتقول ادحنا عايشين. وفيه ناس تقلق وتدور على الحاجة الضايعة... وتفضل تلف وتدور وتدور. زى الأسد المحبوس جوه القفص. يفضل يدور ويدور... ويدور يفضل حاسس انه وحيد. وان حواليه سور بيعزله عن غيره سور تخين وهو جواه وحيد محبوس مخنوق. يفضل يدور ويموت وهو بيدور عن انه يقعد جوه القفص. فيه ناس تموت

نادرة

وهى تدور عن انها تفضل وحيدة محبوسة لوحدها جوه "الأنا" لكن إذا ما ماتتس إذا قدرت  
تكسر الباب وتخرج برة "الأنا" حتلاقي أغلى حاجة فى الدنيا حتلاقي نفسها.....  
دلوقت بس فهمتك. دلوقت بس عرفت ليه انا كنت بحبك ليه دونا عن كل طالبات الكلية دونا  
عن كل البنات والسيدات كنت بحبك. لما كنت ابص فى عينيكي كنت باخاف. ما كنتش بعرف  
انا باخاف ليه. ولما تمشى من قدامى اضحك لنفسى واقول عبيط. ما هى وأحدة زى كل  
الباقيين. لكن لما اشوفك من بعيد ابقى عاوزك تقربى منى عشان اشوف عينيكي وابص فيها  
واعرف انا باخاف من ايه. كنت عاوز اعرف انا باخاف من ايه. كنت أستاذك وانت تلميذة.  
تلميذة مبهدة شعرها منكوش وفتانها قديم وجزمتها كعبها متاكل ومعوج. ولما تمشى من  
قدامى اضحك لنفسى واقول عبيط. لكن لما المحك من بعيد ابقى نفسى تقربى عشان اشوف  
عينيكي وابص فيها واعرف ليه انا باخاف. دلوقت بس عرفت انى كنت بخاف من نفسك.  
نفسك دى اللى لقيتها بعد ما مشيت مشوار طويل وقطعت الطريق. نفسك دى اللى لقيتها  
وماسكاها بإيديكى واسنانك ومنتبة فيها ومش ممكن تخسريها. نفسك دى اللى كنت باشوفها  
جوه عينيكي من جوه ومقدرش امسكها. امسك ايدك وما قدرش امسكها. امسك جسمك كله بين  
ايدى ومقدرش امسكها. فاكرة الليلة الوحيدة اللى مضناها سوا. ما تتصوريش يا نادرة انا الليلة  
دى حسيت بأيه. حسيت انك بتدبنى كل حاجة ... كل حاجة فى جسمك إلا نفسك. حسيت  
ليتها انك غالية قوى... نفسك غالية قوى... مش ممكن اقدر آخذها. ما حدش يقدر يأخذها.  
بأى ثمن. اغلى من أى ثمن. اغلى من انها تتشرى أو تتباع... بالعملة المتداولة فى عالمانا.  
العملة اللى بتحسب وأحد + وأحد = اثنين. وخفت يا نادرة. لقيت الطريق لك صعب وغالى.  
واستسهلت واسترخصت. اشتريت نفيدة بكل فلوسى وخفت اتجوزك. عاوز مراتى تكون انيقة  
ومن عيلة وراقية وابوها مركزه كبير مش عامل فى المصنع. سامحيني انا عرفت دلوقت بس.  
انا فهمت دلوقت بس. انا اتعلمت دلوقت بس. صحيح اتأخرت فى التعليم. بعد ما كبرت وشبت  
ويقت أستاذ كبير. اتعلمت دلوقت بس وتلميذتى هى اللى علمتتى.

د. فهميم (يقتررب من  
نادرة فى حب)

(يركع عندها) سامحيني يا نادرة لأن انا اللى خسرت مش انت. انا خسرت نفسى... وعشرين سنة

من عمرى. (بيكى)

ظلام

\* \* \* \* \*



د. فهميم

شرف الدين فهمنى قبل ما افهم انا نفسى. شرف الدين حس بى قبل ما احس انا بنفسى. شرف الدين سبقنى. فيه ناس بتسبق يا توفيق. دايما فيه ناس بتسبق واحنا بنتعلم من اللى سبقونا. واللى جايين وانا يتعلموا منا هي دى الحياة يا توفيق. وأحد ورا التانى. وأحد ورا التانى والإنسان هو اللى يسبق.

ظلام

\* \* \* \* \*

Akhawia.net

## المشهد الاخير:

المسرح مضاء جيد وخالى.

تدخل من ناحية اليمين نادرة ومن خلفها يسير شهدى ثم شرف الدين ثم فهيم ثم توفيق ثم تقيدة ثم السجان ثم الوالى. يجتازون خشبه المسرح بهذا الترتيب. نادرة فى المقدمة والوالى فى المؤخرة. حين تصل تقيدة الى منتصف المسرح يتقدم السجان خطوة ويمسك ذراعها ويسيران معا حين يصل الوالى الى منتصف خشبة المسرح يقف ويستدير مواجهها الجمهور.

الوالى : بقى انا اللى دايمًا كنت امشى قدامهم احى على آخر الزمن امشى وراهم؟ اما مؤلف جاهل صحيح. مؤلف غبى غير عملى. مايفهمش الاصول. ما يعرفش البروتكول. المؤلف ده لازم يتزفد. هاتوا لى المؤلف. هاتوه وارفدوه.

النهاية